

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON
KANTONALNI SUD U GORAŽDU
Broj: 05-0- Su-24-000035
Goražde, 30.01.2024. godine

IZVJEŠTAJ O RADU KANTONALNOG SUDA U GORAŽDU za period od 01.01.2023.do 31.12.2023. godine

Zakonom o sudovima u Federaciji Bosne i Hercegovine ("Službene novine F BiH" broj 38/05, 22/06,63/19, 72/10, 7/13, 52/14 i 85/21) uređena je organizacija, stvarna i mjesna nadležnost, finansiranje, pravosudna uprava i drugi odnosi značajni za funkcionisanje sudova. Odredbom člana 25. ovog Zakona propisano je da se Kantonalni sud u Goraždu osniva za područje Bosansko-podrinjskog kantona Goražde sa stvarnom nadležnosti iz člana 28. istog Zakona.

Obzirom da je odredbom člana 63. stav 2. Zakona o sudovima u Federaciji Bosne i Hercegovine propisana obaveza svih sudova da podnose godišnji izvještaj o radu, to Kantonalni sud u Goraždu podnosi sljedeći izvještaj o radu za proteklu godinu.

I - ORGANIZACIJA SUDA

Pravilnikom o unutrašnjoj organizaciji suda broj 005-0-Su-06-000 080 od 30.03.2006. godine i njegovim izmjenama i dopunama broj 005-0-Su-15-000 107 od 10.12.2015. godine i broj : 005-0-Su-21-000128 od 09.08.2021. godine, u sudu su ustanovljene dvije organizacione jedinice: Organizaciona jedinica sudija koju čini četvoro sudija od kojih je jedan predsjednik suda i Organizaciona jedinica dopunskih poslova osnovne djelatnosti i poslova pomoćne djelatnosti koja prema sistematizaciji radnih mjesta ima ukupno deset namještenika.

Kantonalni sud u Goraždu u 2023.godini, za cijelu kalendarsku godinu kadrovski je popunjen propisanim brojem sudija, sa četvoro sudija od kojih je jedan predsjednik suda. U ovom sudu su nepopunjena radna mjesta za troje namještenika (tehničkog sekretara, vozača-kurira i čistačice).

Poslove kurira u ovom sudu obavljaju namještenici ovog suda po rješenju predsjednice suda koje se donosi na početku svakog mjeseca a ovo sve do popune radnog mjesta kurira.

U aprilu 2019. godine upražnjeno je radno mjesto čistačice a poslove na održavanju higijene u ovom sudu povremeno obavljaju uposlenice Službe za zajedničke poslove BPK Goražde.

Sud nema sekretara suda.

Finansijsko-računovodstvene poslove obavljaju zajednički za potrebe Kantonalnog i Općinskog suda u Goraždu jedan namještenik zaposlen u Kantonalnom sudu u Goraždu i jedan namještenik zaposlen u Općinskom sudu u Goraždu.

Prema godišnjem rasporedu poslova, koji se donosi za svaku godinu, sudije su u protekloj godini radile na predmetima svih referata iz nadležnosti ovog suda, a predmetima se zadužuju putem CMS -a u jednakim dijelovima.

Predsjednik suda, radi na svim referatima u omjeru norme od 50 % u odnosu na sudije.

U sudu su organizovana stalna vijeća sudija za rad na predmetima.

Sudije Kantonalnog suda u Goraždu u periodu od 01.01.2023. do 31.12.2023.godine odsustvovala su kako slijedi iz tabele:

Ime i prezime sudije	Godišnji odmor	Praznik	Bolovanje	Plaćeno odsustvo	Slobodni dani	Seminar Online seminar	Službeni put	Rad u VSTV	Ukupno
Milijana Bjelović	33	5	10	2	-	9	4	-	63
Radija Baltić	26	6	36	-	-	3	-	-	71
Tanja Đajić	32	6	1	2	-	6	-	-	47
Edin Bičo	34	7	-	-	3	14	12	2	72

Kantonalni sud u Goraždu smješten je u zgradi koja je u vlasništvu Bosansko-podrinjskog kantona Goražde i koristi jedan sprat zgrade.

U zgradi je osim Kantonalnog suda smješteno više organa izvršne vlasti BPK-a Goražde i drugih organizacija. Prostor u kojem je smješten sud nije građen namjenski za potrebe suda što se negativno odražava na njegovu funkcionalnost, zbog čega se suđenje u predmetima koja zahtjevaju više stranaka, svjedoka, obavlja u sudnici Općinskog suda u Goraždu.

Kantonalni sud se finansira iz budžeta Bosansko-podrinjskog kantona Goražde.

U protekloj godini Kantonalni sud u Goraždu je sačinio prijedlog budžeta u skladu sa Smjernicama VSTV BiH na koji je dobio saglasnost VSTV BiH, ali isti nije usvojen u predloženom iznosu, niti je za njegovu izmjenu poštovana procedura propisana odredbom člana 68.-71. Zakona o sudovima u Federaciji Bosne i Hercegovine.

U toku 2023. godine sve sudije, osim jednog, i svi zaposlenici nisu bili odsutni sa posla u dužem vremenskom periodu zbog bolovanja ili drugog opravdanog odsustva, tako da su svi poslovi obavljani blagovremeno i efikasno.

II - OSTVARENE NORME

Na osnovu evidencija-podataka iz Sistema za automatsko upravljanje sudskim predmetima u 2023.godini primljeno je 220 predmeta koji se iskazuju kroz normu i uz 3 predmeta koja su prenijeta u rad iz 2022.godine, u radu je bilo 223 predmeta.

Broj riješenih predmeta u 2023.godini je 221.

Procenat riješenih predmeta je 100% jer su 2 predmeta ostala neriješena za koja postoje zakonske smetnje za rješavanje, 1 predmet iz upravnog spora za koji nije do kraja godine dostavljen odgovor na tužbu i upravni spis zbog čega se po tužbi nije moglo odlučivati i jedan prekršajni predmet jer je upućen zahtjev Ustavnom sudu Bosne i Hercegovine za pokretanje postupka ocjene ustavnosti.

Na osnovu riješenih 221 predmeta ostvarena je kolektivna norma od 27,55%.

I pored svih riješenih predmeta u radu, ostvarena kolektivna norma suda od 27,55 % jeste niska a razlog tome je jedino i isključivo mali priliv predmeta koji se na rješavanje ovom sudu dostavljaju od strane Općinskog suda u Goraždu. Nedovoljan priliv predmeta se može objasniti činjenicom da se i na Općinskom sudu u Goraždu bilježi manji priliv predmeta.

Sudije Kantonalnog suda u Goraždu Radija Baltić, Tanja Đajić i Edin Bičo su Odlukom Visokog sudskog i tužilačkog vijeća broj:06-07-2-1009-2/2022 od 22.03.2022.god., privremeno upućene u drugi sud, Kantonalni sud u Sarajevo, radi pružanja pomoći tom sudu na rješavanju starih predmeta, pa su po toj odluci radili do 04.05.2023.godine.

Sudija Edin Bičo je po Odluci Visokog sudskog i tužilačkog vijeća broj:06-07-3-1174-2/2023 od 04.05.2023.godine, kao privremeno upućeni sudija u Kantonalni sud u Sarajevo, radio na rješavanju predmeta tog suda tokom cijele 2023.godine. Sudije su po navedenim Odlukama preuzimali predmete, rješavali predmete i ostvarili su određenu normu u Kantonalnom sudu u Sarajevu kako slijedi.

Ostvarene norme u 2023.godini za sudije Kantonalnog suda u Goraždu su:

Ime i prezime sudije	Broj predmeta u radu u Kantonalnom sudu u Goraždu	Broj predmeta u radu kao sudija Kantonalnog suda u Sarajevu	Ostvarena norma na predmetima Kantonalnog suda u Goraždu	Ostvarena norma na predmetima Kantonalnog suda u Sarajevu	Ukupno ostvarena norma
Milijana Bjelović	53	0	31,47 %	0	31,47 %
Radija Baltić	54	21	26,51 %	9,80 %	36,31 %
Tanja Đajić	56	19	22,98 %	9,60 %	32,58 %
Edin Bičo	60	153	29,23 %	76,37 %	105,60 %

Sve sudije ovog suda su u procentu od 100% riješili predmete sa kojima su bili zaduženi u Kantonalnom sudu u Goraždu pa ostvarena godišnja norma u ovom sudu pojedinačno po sudijama, a koja je manja od 100%, se pripisuje isključivo i jedino nedovoljnom broju predmeta u radu.

III - OSTVARENI KVALITET

Kvalitet rada Kantonalnog suda u Goraždu prikazan je kao u tabeli:

Vrsta predmeta	Broj donesenih odluka na koje se može izjaviti pravni lijek	Broj potvrđenih odluka	Broj preinačenih odluka	Broj preinačenih odluka nakon održanog pretresa	Broj ukinutih odluka
Gž	60	2	0	0	0
Pž	10	0	0	0	0
Rsž	45	1	0	0	0
Gvl	1	0	0	0	0
Kž	10	0	0	0	0
U	16	6	0	0	0
Ostali	10	0	0	0	0

UKUPNO:	152	9	0	0	0
---------	-----	---	---	---	---

U 2023.godini u Kantonalnom sudu u Goraždu donesene su 152. odluka na koje se može izjaviti pravni lijek dok je u 2022. godini u Kantonalnom sudu u Goraždu doneseno 95 takvih odluka.

U odnosu na prošlu godinu, razlika u broju donesenih odluka na koje se može izjaviti pravni lijek je u 57 predmeta iz razloga što je u 2023.godini u ovom sudu bio povećan priliv predmeta te zbog strukture predmeta u radu.

U 2023.godini Kantonalnom sudu u Goraždu, nakon što je odlučivano po podnesenim pravnim lijekovima, vraćeno je 17 predmeta. U 8 predmeta pravni lijek je odbačen a 9 odluka ovog suda su potvrđene dok preinačenih ili ukinutih odluka nije bilo i zbog te činjenice kvalitet sudskih odluka iskazan je u procentima od 100%.

IV- OSTVARENI REZULTATI PO BROJU RIJEŠENIH I NERIJEŠENIH PREDMETA

Rezultati rada Kantonalnog suda u Goraždu za period 01.01.2023-31.12.2023.godine u odnosu na broj primljenih, riješenih i neriješenih predmeta prikazani su na sljedećoj tabeli:

PROTOK PREDMETA PO REFERATIMA

KRIVIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
K-Iksž	0	4	4	0
K-Kpp	0	23	23	0
K-Kps	1	0	1	0
K-Kž	0	10	10	0
K-Kžv	0	1	1	0
K-Mpom	0	2	2	0
UKUPNO	1	40	41	0

PREKRŠAJNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Pr-Pžp	0	13	12	1
UKUPNO	0	13	12	1

PARNIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Mal-Gž	0	11	11	0
P-Gž	0	35	35	0
Rs-Rsž	0	45	45	0
UKUPNO	0	91	91	0

PRIVREDNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Mals-Pž	0	2	2	0
Ps-Pvl	0	1	1	0
Ps-Pž	0	4	4	0
Reg-Pž	0	2	2	0
UKUPNO	0	9	9	0

IZVRŠNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
I-Gž	0	8	8	0
I-Gži	0	1	1	0
Ip-Pž	0	2	2	0
Mal-Gži	0	1	1	0
Mals-Pžip	0	2	2	0
P-Gži	0	6	6	0
Rs-Rsži	0	2	2	0
UKUPNO	0	22	22	0

UPRAVNI REFERAT :

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
U	2	20	21	1
UKUPNO:	2	20	21	1

VANPARNIČNI REFERAT:

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
O-Gž	0	3	3	0
V-Gž	0	4	4	0
V-V	0	10	10	0
UKUPNO	0	17	17	0

ZEMLJIŠNO-KNJIŽNO

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Dn-Gž	0	7	7	0
UKUPNO	0	7	7	0

SUDSKA UPRAVA

Vrsta predmeta	Broj neriješenih predmeta na početku perioda	Broj primljenih predmeta	Broj riješenih predmeta	Broj neriješenih predmeta
Su-Ap	0	1	1	0
UKUPNO	0	1	1	0

V- PRILIV PREDMETA, NEDOVOLJAN BROJ PREDMETA U RADU, RAD NA STARIM PREDMETIMA

Uočeno je da se već duži vremenski period smanjuje priliv predmeta u radu ovog suda zbog čega se sudije ovog suda ocjenjuju po obrascu ocjenjivanja koje se vrši u okolnostima nedovoljnog broja predmeta.

Kako je naprijed navedeno, razlog nedovoljnog broja predmeta u radu je smanjenje priliva predmeta kako na prvostepenom sudu, Općinskom sudu u Goraždu a time i sve manjim brojem predmeta o kojima se odlučuje pred ovim drugostepenim sudom, tako i zbog činjenice da se bilježi smanjenje broja predmeta i na referatima gdje ovaj sud postupa kao prvostepeni sud (upravni referat i krivični referat).

Nedostatak u ostvarenju norme, sudije ovog suda u prethodnim godinama, a sada sudija Edin Bičo, pokušale su nadomjestiti radom na predmetima Kantonalnog suda u Sarajevu i njihove ostvarene pojedinačne norme iskazane su u tabeli ostvarenih normi u 2023.godini.

Sve primljene predmete na postupanje po žalbi u 2023. godini sud je riješio te iz tog razloga nije pravio plan rješavanja predmeta za I kvartal 2023.godine.

Kantonalni sud u Goraždu je za tri kvartala (drugi, treći i četvrti) uradio Plan rješavanja predmeta i isti su riješeni 100%.

U rješavanju predmeta u svim predmetima je poštovan optimalni i predvidivi rok.

VI – TRAJANJE POSTUPKA

Redovnim praćenjem ažurnosti rada sudija, kontrolom na zaduženim predmetima, uočeno je da su predmeti rješavani uz poštivanje zakonskih rokova.

U izvještajnom periodu nije zabilježeno prekoračenje navedenih rokova, predmeti su riješeni uz poštivanje optimalnog i predvidivog roka.

Prosječno trajanje postupaka prema referatima prikazano je na sledećoj tabeli:

Vrsta referata	Broj primljenih predmeta u toku perioda	Broj riješenih predmeta	Broj neriješenih predmeta	Prosječno trajanje riješenih predmeta u danima
IZVRŠNO	22	22	0	21,55
KRIVIČNO	40 (+1 predmet Kps iz 2022.god.)	41	0	45,61
PARNIČNO	91	91	0	30,98
PREKRŠAJNO	13	12	1	43,92
PRIVREDNO	9	9	0	17,89
SUDSKA PRAKSA	1	1	0	1
UPRAVNO	20(+2predmeta iz 2022.god.)	21	1	56,52
VANPARNIČNO	17	17	0	13,88
ZEMLJIŠNO-KNJIŽNO	7	7	0	22,57
UKUPNO	220 (+3 predmeta iz 2022.god.)	221	2	33,63

VII-REZULTATI NA PREDMETIMA RATNIH ZLOČINA I PREDMETIMA KORUPCIJE I ORGANIZOVANOG KRIMINALA, O ZASTARI PREDMETA, ZAKLJUČNA ZAPAŽANJA O RADU SUDA

Pred Kantonalnim sudom u Goraždu u 2023.godini bio je u radu jedan Kps predmet zbog krivičnog djela Ratni zločin protiv civilnog stanovništva iz člana 173. stav 1. tačka e) u vezi sa članom 180. stav 1. KZ BiH, predmet koji je prenijet iz 2022.godine.

Kako se radilo o optuženom licu sa prebivalištem u Republici Srbiji, koje lice je tražilo da mu se sudi u Republici Srbiji, uz saglasnost oštećenih a po prijedlogu Kantonalnog tužilaštva Goražde, ovaj sud je zbog ispunjenosti uslova o preuzimanju krivičnog gonjenja putem zamolnice saglasno Zakonu o međunarodnoj pravnoj pomoći u krivičnim predmetima predmet uputio Ministarstvu pravde Republike Srbije.

Sud je od istog Ministarstva 10.02.2023.godine obaviješten da je Tužilaštvo za ratne zločine u Beogradu preuzelo krivično gonjenje.

U izvještajnom periodu među primljenim predmetima nije bilo krivičnih predmeta organizovanog kriminala i koruptivnih krivičnih djela.

U krivičnim i prekršajnim predmetima koji su bili u radu i rješavani u prethodnoj godini, nije bilo niti ima ijedan predmet u kojem je nastupila zastara krivičnog gonjenja.

Rezultati Kantonalnog suda u Goraždu ostvareni su zbog nastojanja da on svojim radom doprinese ostvarenju postavljenih strateških ciljeva: unapređenju efikasnosti, odgovornosti, kvalitetu i nezavisnosti sektora pravde u BiH ostvarljivo kroz održavanje dostignutog nivoa efikasnosti i rješavanje predmeta u zakonskim i optimalnim rokovima. Sud je uspio da riješi sve zaprimljene predmete, da ih rješava u rokovima izričito predviđenim zakonom i da niti jedna stranka nije niti je mogla prigovoriti kašnjenju u donošenju odluke od strane ovog suda.

Znajući da od kvaliteta odluke uveliko zavisi povjerenje stranke i javnosti u rad sudova, ovaj sud je svoj rad i u tom dijelu uspješno završio jer u postupku preispitivanja pravilnosti donijetih odluka od strane višeg suda, nije bilo ukinutih niti preinačenih odluka.

VIII - INFORMACIJA O PRIMJENI SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U PRAVOSUDNIM INSTITUCIJAMA BiH

Kroz redovno informisanje od strane savjetnika za prevenciju seksualnog i rodno zasnovanog uznemiravanja u Kantonalnom sudu u Goraždu predsjednica suda ima saznanja o svim preduzetim radnjama vezanim za provođenje Smjernica za prevenciju seksualnog i rodno zasnovanog uznemiravanja u pravosudnim institucijama Bosne i Hercegovine .

U izvještajnom periodu nije bilo ni pismenih niti usmenih zahtjeva na osnovu kojih bi savjetnik za prevenciju seksualnog i rodno zasnovanog uznemiravanja pokrenuo internu proceduru za preventivno djelovanje.

Iz navedenih razloga imenovani savjetnik nije podnosio pismene izvještaje predsjednici suda sa pregledom stanja u vezi sa prevencijom seksualnog i rodno zasnovanog uznemiravanja unutar ove institucije kako je to određeno odjeljkom III tačka 3.6. Smjernica za prevenciju seksualnog i rodno zasnovanog uznemiravanja u pravosudnim institucijama Bosne i Hercegovine.

IX- INFORMACIJA O AKTIVNOSTIMA PREDUZETIM U CILJU IMPLEMENTACIJE STRATEGIJE ZA UNAPREĐENJE RODNE RAVNOPRAVNOSTI U PRAVOSUĐU BiH I POSTIGNUTI REZULTATI

Kantonalni sud u Goraždu saglasno Smjericama za izradu godišnjeg narativnog izvještaja o radu sudova kao i članu 8. stav 2. Obavezujućeg uputstva o uvođenju rodne perspektive u radne procese u Kantonalnom sudu u Goraždu, podnosi Izvještaj o aktivnostima preduzetim u cilju implementacije za unapređenje rodne ravnopravnosti u pravosuđu BiH i postignutim rezultatima.

Šefica pisarnice-službenica za informisanje i odnose sa javnošću je osoba koja prati primjenu navedenog Uputstva i koja najmanje jednom godišnje sačinjava i dostavlja izvještaj predsjednici suda o primjeni ovog Uputstva.

U svom godišnjem izvještaju navela je da su svi zaposleni, ranije upoznati i podsjećani u izvještajnom periodu na Obavezujuće uputstvo o uvođenju rodne perspektive u radne procese u Kantonalnom sudu u Goraždu, da su u svom radu iskazali aktivnost da se sve osobe koje su došle u kontakt sa Sudom tretirane na jednak način, da im je omogućen jednak pristup pravdi bez obzira na pol i/ili rod i da niti u jednom podnesku upućenom ovom sudu niti u usmenom obraćanju nije zabilježena primjedba na rad Suda a koji se tiču rodne ravnopravnosti.

U Izvještaju se navodi da su zaposlenici Suda upoznati i svjesni zabrane diskriminacije bilo kojeg oblika po bilo kojem osnovu, da su svi zaposleni u svom radu ispoljili djelovanje na zaštiti rodne ravnopravnosti te se posebnim ističe da nije bila u situaciji da pokreće postupak i sačinjava izvještaj o nepoštivanju Obavezujućeg uputstva pa tako i nije bila u situaciji da predsjednici suda dostavi navedenu informaciju i da daje prijedlog za otklanjanje uočenih nedostataka

Znajući da su svi zaposlenici dužni da u službenim dokumentima koriste rodno osjetljiv jezik upotrebom rodnih oznaka gdje god je to moguće i prikladno, posebno prilikom izrade pojedinačnih akata nastalih u njihovom radu kada se navode uloge, zvanja, funkcije isl., Šefica pisarnice-službenica za informisanje i odnose sa javnošću je u Izvještaju navela da se kroz kontrolu otpreme pismena vodi računa o navedenom i uočene pogreške se ispravljaju te da je postignut takav stepen da skoro da i nema pogreški.

U izvještajnom periodu, prvenstveno iz razloga što je zabilježeno poštivanje Obavezujućeg uputstva u svim njegovim segmentima, nije se ukazalo za potrebnim održavanje posebnih oblika saradnje sa određenim organizacijama na temu ravnopravnosti polova i sl. a iskazuje se spremnost svih zaposlenih za uključivanjem u rad na projektima u vezi rodne ravnopravnosti.

X - PLANIRANE MJERE ZA POBOLJŠANJE STANJA U SUDU

Kvalitet rada suda, kao naprijed, ogleda se prevashodno kroz kvalitet sudskih odluka, u smislu njihove zakonitosti, razumljivosti i provodivosti.


Jedan od osnovnih elemenata kvaliteta rada suda ogleda se u provjeri zakonitosti odluka od strane nadređenog suda.

U cilju zadržavanja dostignutog nivoa kvaliteta rada i radi eliminisanja pravne nesigurnosti kod donošenja odluka, sud će kao i do sada raditi na poštivanju zakonskih, optimalnih i predvidivih rokova, na praćenju sudske prakse prvenstveno kroz praćenje donesenih odluka Vrhovnog suda FBiH, Ustavnog suda BiH i Ustavnog suda FBiH te Evropskog suda za ljudska prava. Saglasno navedenom, posebna pažnja će se usmjeriti da se na zajedničkim stručnim sastancima analiziraju odluke ovog suda koje su bile predmet preispitivanja po pravnim lijekovima kao i odluke koje se objavljuju putem Centra za sudsku dokumentaciju i internet portala navedenih sudova.

U cilju sticanja stručnog znanja, kao i do sada, pažnja će se posvetiti individualnoj i kolektivnoj edukaciji sudija koja se najvećim dijelom provodi kroz edukaciju koja se organizuje od strane CEST-a F BiH. Pratiće se i podsticati na obuku za sticanje znanja iz oblasti psihologije, forenzike, komunikacija, kao i u oblasti primjene profesionalne etike u obavljanju sudijske dužnosti.

Ovaj sud želi osigurati da ova pravosudna institucija najvećim dijelom bude orijentisana na još kvalitetnije zadovoljenje potreba građana te će se u tom smislu analizirati sve informacije prikupljene iz različitih izvora vezano za kvalitet pruženih usluga u ovom sudu.

Kao jedan od preduslova postizanja planiranih aktivnosti jeste i obezbjeđenje kvalitetnog radnog prostora za uposlenike suda. U okviru planiranih budžetskih sredstava izvršiće se znavljanje adekvatne informatičke opreme, opremanje i higijensko osvježenje radnog prostora.



PREDSJEDNICA SUDA:

Milijana Bjelović
Milijana Bjelović